

PRENTSA-OHARRA

***BBK Jazz Guggenheim Gauak* emanaldia bihar hasiko da Guggenheim Bilbao Museoko Atrioan**

Emanaldi hauek Bilboko Aste Nagusiko ezinbesteko hitzordu bilakatu dira jada jazz zaleentzat zein genero hau ezagutzeko interesa dutenentzat. Aurtengo egitarauak, **abuztuaren 25etik 28ra**, nazioarteko jazz artista gailenak bilduko ditu Museoan, gaueko 23:00etatik goizaldeko 02:00ak arte. Bertaratzen direnek, jazz emanaldiak entzuteaz gain, erakusketak ikusteko eta kopa bat hartzeko aukera izango dute.

BBK Jazz Guggenheim Gauak bihar, **abuztuak 25ean** hasiko da, **Carl Winther Quartet** taldearekin. Gehienetan jazz talde hau hirukote batek osatzen du baina Bilbora laugarren musikari bat ekartzen dute, Karl Martin Alqvist daniarra, saxofoi tenorea jotzen duena. Ohiko hirukotea Carl Winther piano-jotzaileak, Johnny Åman kontrabaxu-jotzaileak eta Anders Mogensen bateria-jotzaileak osatzen dute. Jazz musikari ezagunekin batera jo dute mundu osoan zehar; esaterako George Garzone edo Jerry Bergonzi saxofoi-jotzaileekin; izan ere, haien azken diskoan —*Quintonic*— parte hartu dute. Carl Winther, musikagile eta tronpeta-jotzaile Jens Winther-en semea dugu eta egungo jazzean goraka egiten ari da erakusten duen birtuosismoagatik eta inprobisaziorako ahalmenagatik. Carl Winther-en taldeak jazzaren nahiz musika klasikoaren ondareak uztartzen ditu baina Latinoamerikako musikarako eta Afrikako erritmoekiko zaletasuna ere erakusten du bere lanetan.

Abuztuak 26an, asteazkena, Alemaniako **Susan Weinert** gitarra-jotzailearen eta haren taldearen —**W.O.W. trio**— txanda izango da. Susan Weinert-ek 3.000tik gora kontzertuetan erakutsi du haren estilo guztiz originala eta berritzailea; musika-kritikariek asko goraipatu dutena han eta hemen. 11 disko argitaratu ditu hark idatzitako musika-lanekin eta hainbat nazioarteko jazz taldeek jotzera gonbidatu dute. Bilbora Martin Weinert kontrabaxu-jotzailearekin eta Poloniako Andrzej Olejniczak saxofoi-jotzailearekin dator. Izan ere, hirukoteak azken bi urteotan hainbat jazzaldi ezagunetan jo du; besteak beste, Stuttgart, Dortmund, Dusseldorf, Syke eta Leverkusen hirietakoak.

Abuztuak 27an, osteguna, Museoko Atrioko hirugarren jazz emanaldia **Jean Toussaint Quartet** taldearen esku dago, haien buru Jean Toussaint dutelarik, azken lau hamarkadetan nazioarteko jazz munduan diharduen saxofoi-jotzaile handienetarikoa. Jatorriz Karibetik datorkigun saxofoi-jotzaile hau Art Blakey-k sortutako Jazz Messengers talde ezagunaren kidea izan zen eta jazz musikari handienekin jo du, esate baterako: Max Roach, Horace Silver, Gil Evans, Wynton Marsalis eta Lennie White. Egun Londresen bizi da eta han musikagile, saxofoi-jotzaile, orkestra-zuzendari eta jazz irakasle lanetan dabil. Bilbon Jean Toussaint-ek Albert Sanz piano-jotzailearekin, Masa Kamaguchi kontrabaxu-jotzailearekin eta Stephen Keogh bateria-jotzailearekin arituko da.

Abuztuak 28an, ostirala, amaituko dira ***BBK Jazz Guggenheim Gauak* Iván Melón Lewis Quartet** taldearekin. Iván “Melón” Lewis kubatarrek musika-ibilbidea Isaac Delgado salsa-abeteslariarekin hasi zuen piano-jotzaile gisa eta garai horretan dantza egiteko musika kubatar eta latinoamerikarrean pianoa jotzeko era berri egin zuen, modernoagoa egiteko. 1998. urteaz geroztik Espainian bizi da Iván “Melón” Lewis eta bere azken lana aurkeztera dator Bilbora: *Ayer y Hoy*. Disko horretan Kubako usadiozko doinuak (son, danzón, cha cha cha) mundu osoko doinuekin nahasten ditu. Piano-jotzaile kubatarren xedea da bere azken lan honekin entzuleei ondo pasaraztea.

BBK Jazz Guggenheim Gauak emanaldietara bertaratzen direnek, aldi baterako erakusketaz nahiz Bilduma Iraunkorraz gozatzeko aukera izango dute: *Jeff Koons: atzera begirakoa*, *Jean-Michel Basquiat:*

GUGGENHEIM BILBAO

Bada garaia, Shahzia Sikander-en *Paralajea* (*Parallax*, 2013) eta Richard Serraren *Denboraren materia* (*The Matter of Time*, 1994–2005).

BBK Jazz Guggenheim Gauak emanaldien egitaraua. 23:00etatik 02:00etara

Abuztuak 25, asteartea: CARL WINTHER QUARTET

Karl Martin Alqvist	saxofoi tenorea
Carl Winther	pianoa
Johnny Åman	kontrabaxua
Anders Mogensen	bateria

Abuztuak 26, asteazkena: SUSAN WEINERT - W.O.W. trio

Susan Weinert	gitarra
Andrzej Olejniczak	saxofoia
Martin Weinert	kontrabaxua

Abuztuak 27, osteguna: JEAN TOUSSAINT QUARTET

Jean Toussaint	saxofoi tenorea
Albert Sanz	pianoa
Masa Kamaguchi	kontrabaxua
Stephen Keogh	bateria

Abuztuak 28, ostirala: IVÁN MELÓN LEWIS QUARTET

Iván Melón Lewis	pianoa
Ariel Bringuez	saxofoiak
Reinier Elizarde	kontrabaxua
Michael Olivera	bateria

Sarreraren prezioa: 15 € Publiko orokorra / 8 € Museoaren Lagunak, Kide Korporatiboak eta egun horretako bisitariak.

Bilbo, 2015eko abuztuak 24

Guggenheim Bilbao Museoari buruzko informazio guztia www.guggenheim-bilbao.es webgunean daukazu eskuragarri (prentsa eremua).